



Dr FCB hett s Spitzespill und s Stadion uusverkauft
Aber d Sitzblätz sinn halb läär, obwohl die zwaiti Halbzyt laufft
Wo sinn die Fäns – vo uns kasch grad en Antwort do druff haa
Die stehn syt Matchbeginn bim Bysswar und dr Wirschtlibuude aa

Der Aliesch hett Gschänggli griegt und d Stroof drfir bykoo
Me hett em gly druff abe alli Kompetänze gnoo
Drotzdäm kasch unsrem Tschudi z Basel wyter Gschänggli gää
Dä hett scho jetz gar kaini Kompetänze, wo men em kennt nää

Am Bahnhof SBB do herrscht e Wirrwarr mit de Glais
Vo linggs und rächts bedrohe wildi Drämmli d Tattergrais
Do drunter gesehsch au s 1 vo 14 – was mag das wohl syy
Pro Haltstell moschte die vom Baudep 14 mol e Baustell dryy

Nationalrööt lilge uff de Disch – ihri Auge sinn ganz root
Do kennsch di frooge, sinn denn die vom Schaffe halber dood?
Nadyrlich nit –

die hänn ganz ärschthhaft s Thema Haschisch duregnoo
Drum löön si scho zem dritte Mool e Jointli ummegoo
Vo dr Drybiini lächle säälilig mänggi Ehregeschit durab
Derby isch au dr Prinz Harry vom «British Kifferclub»
Am Mikrophon stoht stoggerlade aini vo de Grlene
Schloot vor: «Bim Deale kenntli jetz dr Staat doch mitverdlene»
Dr Couchepin nimmt das uff und lallt: D Idee isch sunneglaar
Zem d Expo finanziere git s e Haschischzält mit Kifferbar!»

Silbe Daag pro Wuche gesehsch uns Basler stundelang studiere
S Thema isch rächt halggel: Wie duesch Huusmischd ussortiere?
Und hesch emool vergässe s Epfelbitschgi z komposchtlere
Sinn d Abfallschugger grad zer Steil zem Buesse generiere
Alu, Glas, Babyr – fir all dä Mischd hesch amme fascht kai Blatz
Drum wandret s Facts vom Briefkaschte diräggt
In s Kischtili vo dr Katz

Dert äne an dr Hülfte wohnt e mängge Buuresohn
Aber ellai mit Buureschläui längt s nit fir e Volkanton

Dert äne am Bölche dert hett s e Dunäll
Wemme yne kämt wurd s dunggel – wemme uuse kämt wurd s häll

Dert äne nach Lieschtel hett s e Hauptzuefahrtsstrooss
Wotsch am säggsi z Oobe dert sy, fahrsch gege Mittag los

Dert äne in Lieschtel hett s e saudyrr Spital
Zem Gligg fir s Bethli Schneider goht s no lang bis zer Wahl

Dert äne an Lieschtel kunnt s Ooberbaselbiet
liber die isch jedes Wort z vyyi, drum ändet do das Lied

E Swissair-Flugl landet z Dubai
Dert haisst s: «Schwyzer fliegen erscht hal
Wenn zahlen Kerosin in bar
Sonscht Flugzeug schieben, isch doch klar» *)

Dr Käpten schluchzt: «Y ha kai Gäid doo
kennt me nid anderscht liberloo?»
Das rieht d Araber ganz enorm:
«Gut, gib Rolex und Uniform!» *)

Denn kunnt dr Zwischestopp in Moskau
Em Käpten wird s im Mage ganz flau
Im Sagg kai Stutz – dr Tangg fascht läär
Wo griegt är Moscht do gratis häär?

Denn grinst das iberzahlte Männli
Schnabbt sich zwai lääri Kaffikännli
Rennet zer Air France näbedraa
Und bättlet die um Dryybstoff aa

Crossair statt Swissair – Sparair statt Stümpair
Holländer im Cockpit – Waggis serviere
Fastfood us Pole – das derf uns nit geniere
Hauptsach am Flugl gläbbt e Schwyzergryz

Dr Corti salt: «Das isch no z rette»
Do druff wurd är e mänggs go wette
Er maint nid d Swissair – isch doch klar
Sondern sy Wahnsinnshonorar

Honegger, Mühlemann und Spörri
Sinn «groosskotzti Zürcher Schnörri»
Die laische nyt, das isch kai Lug
Wänn nur vyyi Stutz und Gratisflug

Zer Zircher Mafia – sunneklar
Basst au dr Böögg no wunderbar
Dr Kopf hoch obe, hool und faiss
Und goht grad hopps, kuum wird s em z haiss

Dr Ospel staggelot im Fäärnseh
«Die ganzl Sach duet uns eso weh:
Doch wär my Fudeli nit schmutzt
Dä blybt am Boode bis s en butzt»

Denn wärfe hinter silbe Bärgli
Z Bärn silbe möffi Bundeszwärgli
No dääre schlaaffe Banggekür
In Swissair-Rache d Bundesstüür

Gauner und Stingger(inne) in Noodlestraffe
Dien bilderl Schwyzer greftig yysalfe
Liebe Don Rainer – aine hesch noni
S isch klar wär mir maine – dr Berlusconi

Dr Schlussoobe het das Johr Pfiff
mer zelebriere-n-en uff 3 Schiff
lueg au: www.fasnacht.ch

*) Fir dr Carli Miville: das isch bewusst nit Baseldytsch, sondern
kinschtlerischi Freyhait!!!